

Una pillugu siunnersuut: ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat

(Peqqissutsimut Attaveqarnermullu Naalackersuisoqarfik)

Saqqummiussissut

(Peqqissutsimut Attaveqarnermullu Naalackersuisoqarfik)

Siullermeerneqarnera

Ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik Oqartussat oqaaseqaataat pillugu Inatsisartut aalajangiinissaannik siunnersuut (immikkoortoq 24) immikkoortunut 23-mut aamma 25-mut ataneqartillugu isigineqassaaq. Taamaalilluni aalajangiiffigisassatut siunnersuut taanna inatsisissatut ataatsimut siunnersuutit ilagaat, issittup imartaani imarsiornerni isumannaallisaneq pillugu malittarisassat sukateqarneqarnissaannik siunertaqartoq.

Inatsisip allannguutissaatut siunnersuutip manna nassataraa, tassalu Kalaallit Nunaanni inatsisikkut aalajangersagaasumik ilisimasortaqtartussaataitanerme ilisimasortat tassaassatut ilisimasortatut akuerisaasut. Inatsisip allanngortinneqarnerata kingornatigut "ilisimasortat", angalanernut ilisimasortaqtarnissamut aqqissuussani pineqartunut ilaanngitsuni, Kalaallit Nunaata imartaani ingerlaarnermut atatillugu siunnersuisutut suli atorneqarsinnaassapput. Taamaattorli ingerlaarfinni ilisimasortaqtartussaataaffiusuni ilisimasortat akuerisaasut atorneqarnissaat piumasaqaataassaaq.

Ilisimasortaqtartitsinerit aallaqqaammumt "DanPilot"-imit naalagaaffiup pigisaanit pilersuisussaataitanermik pisussaaffilerneqartumit ataqatigiissaarneqassapput. Taamaattoq tamanna isumaqanngilaq taanna kisermaassisussaataalersoq, kisianni aamma ilisimasortaqtarneq ilisimasortaqtartitsivinnit allanit, ilanngullugit ilisimasortat Kalaallit Nunaanneersut ingerlanneqarsinnaassallutik. Inatsisip allanngortinneqarneratigut Kalaallit Nunaanni ilisimasortaqtartitsisarneq pillugu kapitali immikkut ittoq ilisimasortat pillugit inatsimmi aamma ilanngunneqarsimavoq, tassami pisinnaasat il.il. pillugit piumasaqaatit ilisimasortat pillugit inatsimmi aalajangersarneqarsimmata. Aalajangersakkanik taaneqartunik unioqqutitsineq Kalaallit Nunaanni pinerluttulerineq pillugu inatsit tunngavigalugu pineqaatissiissutigineqarsinnaavoq.

Ilisimasortaqtartussaataaneq aamma Kalaallit Nunaanni ilisimasortaqtartitsisarnermik aqqissuussineq pillugit maleruagassat suliarineqarsinnaanissaannut ilisimasortat pillugit inatsisip ilaa Kalaallit Nunaannut atortuulersinneqartariaqarpoq.

Siunnersuut taamatut oqaaseqaateqarlunga Inatsisartuni akuersaartunik oqaluuserisassanngortippara.